



A'j plat kunt praoten, dan mu'j ut niet laoten

De verhaälties in ut dialect bint een initiatief van de historische verenigingen in Olst en in Wieje. Wie sprèekt hier Sallands, een dialect van de Nedersaksische taal. Dät is ontstaon uut 't Nederduuts, de taal die in Westfalen en Nedersaksen werd espröken.

De film

't Was in de jaoren '60. De oldercommissie van de schole vund 't tied worden dät 'r ok 's andach besteed worden an sexuele veurlighting van de kinder op schole. 't Leek heur verständig um eerst de olders mär 's 'n bettie veur te lichten. En dät kon, want in die dāgen was t'r een veurlichtingsfilm uut ekom' met de dudelijke titel: - Morgen is te laat - . Nou en die film wollen ze dan op de eerstkommende olderaomd mär 's laoten zeen. "Of meester 'm mär effen wol bestellen". En dät deud meester.



Een paar dāgen veur de bewuste olderaomd geet 's aoms late bie mie de belle. Veur de deure steet 'n Wiejese vrachtriejer met 'n vierkante deuze in de hand. 'De film!' begriep ik. Mär gelieke zeg ik: "Mär man, die ha'j noe op dit läte uur toch niet hoven te brengen. Dät had morn ok wel ekund." "Nee, nee, meester", zeg-e "in de regel breng ik päkkies 's aoms niet meer weg, mär bie dissen mos 't wel. Kiek mär, 't steet buten op de deuze: - Morgen is te laat - !".

Uut: ut beukie 'Wiejes Plat' van G.J. (Jan) Veerman uut Wieje; de tekeningen in dät beukie bint van Jan Oberink, ok uut Wieje.

Rabo ClubSupport

Stem op ons!

Vanof 2 tut en met 24 september ku'j weer stemmen veur de Rabo ClubSupportactie. Stem iej op ons? Veur de historische verenigingen in Wieje en in Olst lèvert oew stemme geld op. Avuste bedankt hè!